

SE IO... PER ESEMPIO

commedia in due atti di

Francesco Chianese

PERSONAGGI:

(in ordine di apparizione)

MASINO: Capofamiglia

NINETTA: Figlia

CATERINA: Moglie

ROBERTO: Figlio

FILIPPO : Rappresentante

AGATINA : Sorella di Filippo

SARUZZO : Aspirante fidanzato di Ninetta



“SE IO... PER ESEMPIO ”

- PRIMO ATTO -

SCENA 1

(La scena deve rappresentare un soggiorno quasi sgangherato con due porte, una interna (meglio se due) ed una esterna, più una finestra)

(Masino con una paletta in mano intento a chiudere dei buchi nella parte bassa della parete con dello stucco... sulla scena anche la figlia Ninetta che gli passa le cose... la figlia è un pò ritardata)

MASINO: *(mentre chiude l'ultimo buco)* E così finalmente tutti i puttusa sunnu stuppati, ora vogghiu propriu a vidiri comu faranno i surici a trasiri intra a sta casa.

NINETTA: Papà... ma i surici chi invece ristarù intra... comu fannu a nesciri si tutti i puttusa sunnu stuppati...

MASINO: Una cosa per volta, cara Ninetta... prima pinzamu di non fari trasiri chiddi chi sunnu fora.... E poi pinzamu a cacciari chiddi chi sunnu intra....

NINETTA: Ah capì... ora ci metti a trappula e i catturi...

MASINU: Comu si fussi facili, cara figghia... a sapiri chi non ci sunnu chiù i surici di na vota. Ora si ficiru chiù furbi e non c'è trappula, vilenu o mastice chi teni.

NINETTA: Ah... ora capisciu picchè non ha mai pigghiatu a Jerri...

MASINU: A cu non è pigghiatu?

NINETTA: A Jerri... u surici chi avi chiù di sei misi chi è ta sta casa....

MASINU: Ah u surici chi mi sta facennu impazziri e tu.. ci dasti purru un nomi... ci manca sulu chi ci facemu u battesimu e ci festeggiamu u compleanno

NINETTA: Non fussi na cattiva idea...

MASINU: Invece è na pessima idea... picchè si io arrivu mu pizzicu mu manciu a muzzucuni u to surici...

NINETTA: Cattivu... cattivu.... ta pigghi cu iddu picchè è sulu un suriceddu...

MASINU: Surriceddu??? Suriceddu dicisti?? To sensu che è piccittu?? Surriciuni l'ha chiamari. Suriceddu era quannu trasiu ca ta sta casa u primu ionnu.. ora... cu tuttu u fummaggiu chi si futtiu sutta u me nasu.. chiddu chi mettu ta mattonella cu mastici e te trappuli... suriciuni divintò... anzi s'èppa fari rossu comu un cunigghiu... e tu u chiami suriceddu...

NINETTA: Va bo papà... basta chi non ti bilii picchè se no poi ti senti mali...

SCENA 2

(entra in scena dalla porta interna Caterina... tutta preoccupata...spaventata)

CATERINA: *(affacciando prima la sola testa)* Pozzu trasiri...pozzu stari tranquilla? Non è chi c'è u surici ta sti pedi pedi...

MASINO: Sempri a stissa cosa... avi sei misi chi c'è u surici e tu avi sei misi chi dici a stissa cosa. Trasi baccalara... non c'è u surici ta sti pedi pedi... magari ci fussi... ma non c'è. Chiddu nesci sulu quannu non c'è nuddu e quannu avi fami....

NINETTA: Già mamma, Jerri nesci du so nascondiglio sulu quannu avi fami.... E si mancia u furmaggiu chi ci metti u papà..

CATERINA: Jerri??? E cu è stu Jerri?

MASINO: Picchè no sa cu è Jerri? Ne facistu ancora i presentazioni cu to figghia?

NINETTA: Mamma Jerri è u surici....

CATERINA: U surici?

MASINO: Proprio così... e adesso chi avi un nomi fa parti ufficialmente da famigghia...

CATERINA: Ma quannu mai... e io chi mi parrentu cu un surici??

MASINO: Ouuu ora mi facistu spazientiri.... Ca non si parra autru chi du surici...

NINETTA: No papà... si parra purru di zitamenti... e sa mamma si movi niscemu così videmu si pozzu canusciri quacchidunu alla mia portata e mi fazzu zita...

MASINO: primo chi a to portata non c'è nuddu e secunnu chi to mamma di ca non nesci picchè ora sinni passa da banna ta cucina a cucinari chi staiu murrennu da fami...

CATERINA: Io da banna sula sula a cucinari??? Ma tu si pacciu... Io finu a quannu c'è du cosu bruttu ca intra non fazzu nenti... staiu sempri in allarmi vicino a quacchi seggia pronta mi ci chianu i supra si spunta u surici, pardon Jerri.....

MASINO: Cettu... ora pi coppa di Jerri, ta sta casa non s'ava chiù mancu manciari.. non avi manciari chiù nuddu. Anzi no... unu chi mancia c'è... u surici tuttu du formaggiu chi c'è misu, per la gioia di tua figlia...

SCENA 3

(entra in scena Roberto, con addosso un jeans ed una camicia che si abbottona, dalla porta interna...)

ROBERTO: Buongiorno.... *(annusa un 'pò)* sbagghiu... o mancu oggi staiu sintennu ciaru di manciari...

MASINO: Ouu Bongiorno... ti risvegliasti già??? E comu mai così prestu, (*guarda l'orologio al polso*) ancora manca un quartu d'ura pi mezzionnu...

NINETTA: Roberto... a mamma decidu chi puru oggi è in sciopuru... pi coppa di Jerry, u me surici...

CATERINA: Proprio così, caru figghiu masculu... non ni sintisti ciauru di manciari picchè non è cucinatu nenti... e non naitu chiù intenzioni di farlu... Almenu finu a quannu non mi liberati definitivamente a casa di stu surici...

NINETTA: Ma mammuzza... chi mali ti po fari u me Jerrittu...

MASINO: Chi mali c'iaava a fari a to mamma u to Jerrittu... (*esplodendo*) Io ciu fazzu mali, ma o to surici... purru motti i fami mi sta facennu lassari.. ma quannu u pigghiu a iddu mi manciu... o spiedo mu fazzu comi i polli e i cunigghi..

NINETTA: (*battendo i piedi per terra e quasi piangendo*) Cattivo, cattivo, cattivo... tu o me Jerrittu non tu manci...

ROBERTO: Bonu, bonu... Vistu chi ca si campa sulu d'aria e di chiacchiri.. io nesciu e mi manciu purru oggi quacchi paninu fora, viautri vuliti puttatu quacchi cosa?

NINETTA: Si... a mia pottimi un beddu masculeddu mi mmi fazzu zita...

ROBERTO: Comu no... tu fazzu metteri intra un paninu cu na pumadoru ta bucca, na fedda di prosciutto e na foggia di lattuga i supra..

CATERINA: Pi mmia non pigghiaru nenti... a mia mi chidiu purru a bucca du stomucu a pinzari a du cosu bruttu chi mi cammina intra a casa...

ROBERTO: E a tia papà??? Chi fazzu ti vaiu a cattari un beddu fucili i caccia così ci spari a Jerri???

MASINO: Bravu... ora fa puru u spiritusu.. invece mi mmi aiuti. Comunque, vistu ca nesciri... catta na picca di roba i manciari a to piaciri pi tutti, chi chiu tardu ni manciamu...

ROBERTO: Okkei... (*e gli mette la mano aperta davanti*)

MASINO: E ora chi cecchi?

ROBERTO: A roba chi dici tu ma dununu sulu se in cambio ci duggnu moneta fruscante...

MASINO: E quannu mai non mi cecchi soddi... (*prende da un cassetto un portafogli e da dentro un foglio da 50 euro*) mi raccumannu, fattilli bastari...

ROBERTO: Ci proverò...

CATERINA: E vistu chi nesci.. passa du spitali... vidi si sunnu pronti i risultati dill'esami pu papà..

ROBERTO: Già l'esami... e tutti di così pu cori... ancora non ti l'ha pigghiatu?

NINETTA: Chi esami facisti papà.. chi io non sacciu nenti..

MASINO: Chiddi pi trasiri all'asilu.....

CATERINA: Non si l'à pigghiatu ancora sti beneditti esami... c'è pinzari purru io a so saluti. Anzi cu convincì mi si faci tutti di cosi...

MASINO: Non ci penzu.. cettu chi ci penzu, ma comu vo mi nesciu si sugnu sempri impegnatu ca cu Jerri...

ROBERTO: Bonu, papà... bonu... chi ora vaiu iò o spitali a vidiri comu finiu.... E si c'è parru purru cu cardiologo....

(mette una giacca o un giubbotto che prende da un attaccapanni all'entrata ed esce dalla porta esterna)

MASINO: Va bo... termino l'operazione surici... mittennucci altri trappuli cu formaggiu e poi... vistu chi ca non si mancia mi sdraiu una picca to lettu in attesa du ritorno i Roberto...

CATERINA: E a mia chi fa mi lassi sula? Io vegnu cu tia.. t'aiutu a mettiri i trappuli e poi mi sdraiu purru io e mi leggio Grand Hotel.

MASINO: Allora collabora... *(parte una musicchetta... prende delle trappole e le da a Caterina.... Poi passa nell'altra stanza ed esce subito con del formaggio)* fozza parramu sti trappoli...

(mettono le trappole per terra e qualcuna la passa in cucina ... il tutto in silenzio ma con della musica in sottofondo... alla fine)

MASINO: Bonu... ora non ci resta che attendere. *(ed esce)*

CATERINA: Ninetta... io mi leggiu na picca u Grand Holtel in paci to lettu, in attesa chi si ricogghi to frati, tu chi fa?

NINETTA: Nenti mamma, mi staiu ancora cà... Mi vidu a televioni o mi 'ffacciu to baccuni a vaddari i masculeddi chi passiuu e chiddi chi vannu ta campagna ca sutta...

CATERINA: Fa comu vo.... Io vaiu *(ed esce)*

(resta sola.. guarda verso la porta interna, poi va a prendere le trappole toglierà il formaggio, le farà scattare e li rimetterà al suo posto... passerà anche in cucina per un attimo dove uscirà con del formaggio in mano... tutto questo col sottofondo di una musica)

NINETTA: Ora stu formaggiu u mettu sutta u me lettu... così Jerri veni e su mancia tuttu... *(esce per una attimo e rientra senza il formaggio... quando suona il campanello)*

SCENA 4

NINETTA: Matri è cu po ghiessiri... *(si affaccia alla finestra)* e chisti cu sunnu.... Chi vorranno... *(il campanello suona ancora)*

(dalla porta interna entra Masino)

MASINO: Ma no senti u campanello chi sona??? Vidisti cu iè.?

NINETTA: certu cu u vittu cu ie... dui sunnu e siccomu ne canusciu.. io non ci apru...

MASINO: (*guarda dalla finestra*) Dui sunnu, un masculu e na fimmina, hanno un pacco te mani... cu sapi chiddu chi ceccunu?

(*il campanello risuona*)

(*entra dalla porta interna Caterina*)

CATERINA: Ma non sintiti u campanellu chi avi du uri chi sona?

MASINO: Cettu cu sintemu, stava sulu controllando cu ieni.....

CATERINA: (*si affaccia alla finestra*) Bi figghioli... Du cristiani sunnu chi non canusciu... e hannu na cosa te mani... un masculu e na fimmina...

MASINO: Ora chi vittimu tutti chi sunnu nu masculu e na fimminai... ci putemu iapriru????

CATERINA: cettu... vaiu io mi ci apru...

CATERINA: (*esce e rientra subito dalla porta esterna*) Prego accomodativi.... E scusati si vvi ficimu spittari...

(*entrano Filippo con un grosso pacco nelle mani e Agatina... i due sono molto "estrosi"*)

FILIPPO: Buongiorno a tutti e scusati pi l'orario, ma come si sa... le famiglie riunite si trovunu sulu all'ura di pranzu...

AGATINA:.... O di cena... a secundu le circostanze. Di pranzo se è mezzornu, di cena si sunnu i setti o l'otto di sira...

MASINO: E di colazioni si sunnu l'otto i matina... Ora chi chiaremmu quannu è l'ura i manciari... mu vuliti spiegari cu siti viautri???

FILIPPO: Noi siamo... o meglio rappresentiamo il gruppo "Paraculis" che ha sede a Roma, Napoli e Milano... ma è nato in Germania con il nome di "Paraculisen" poi italianizzato in "Paraculis"

AGATINA: Noi ci occupiamo della salute... del benessere e di tutto quello che riguarda l'uomo...

FILIPPO: Io mi chiamo Filippo sono il Dottor Filippo Senzasoddi e lei è la mia assistente, nonché mia sorella Agatina Senzasoddi...

AGATINA: (*fa l'inchino*) Per servirla....

MASINO: Zumma siti tutti e dui Senzasoddi....

NINETTA: Ah... e così... viautri siti sulu frati e soru???

AGATINA: Certamenti... fratello e sorella.. Io sugnu a soru e iddu e u frati...

MASINO: Chi bellezza... sunnu frati e soru. Ma ora pozzu sapiri picchè siti cà..

CATERINA: Bonu chi ora tu diciunu. Anzi picchè non vi sittati??

FILIPPO: No, grazie ma noi restare addritta perché dobbiamo fare dimostrazione...

MASINO: Dimostrazione??? Chi generi di dimostrazioni aviti a fari...

NINETTA: (*avvicinatosi a Filippo*) Ma papà... cerca di aviri pacienza chi ora Fillippppo... nu dici di si tratta..

FILIPPO: Proprio così... Ora vi spiego tutto. Come vi dissi prima niautri della Paraculis operamu to settori della saluti...

CATERINA: Basta... non dicissi chiù nenti chi tutti così capì. A manda u spitali... forse pi di esami chi ti facisti a simana scorsa...

FILIPPO: Ospedale??? (*pausa.. tipo che riflette*) Ah si l'ospedale... Non è così Agatina? Non ni mandò u spitali???

AGATINA: A cu mandò u spitali??

FILIPPO: A niautri!!! comu a cu mannò... Agatina...

AGATINA: Ah già a niautri.. quanto sugnu sbadata... si, certu u spitali ni mandò..

CATERINA: Allora prestu... dutturi, mi dicissi comu staci me maritu...

FILIPPO: So maritu? Comu staci so maritu???

NINETTA: E chistu tu l'ha diri. Allora comu staci so maritu... zumma me patri?

FILIPPO: Bonu... comu ava a stari.... io bonu u vidu..

AGATINA: Certu chi sta bonu.. però pi stari megghiu e mi non si ammala... c'ema a farri vidiri qualcosa di eccezionali (*mentre parla apre il pacco*) U viditi stu aggeggiu?

CATERINA: Si io u vidu... a mia na spirapolviri mi pari....

FILIPPO: (*urlando arrabbiato*) Noooo.. questo essere una grande offesa. Io mi ritengo offeso...

MASINO: Sempri a solita sini... mancu i canusci e subutu l'offendi.

FILIPPO: Questo non è un comune aspirapolvere.. questo è "New Paraculis generation" il rigeneratore d'aria.

CATERINA: M'aviti a scusari dutturi... mi cunfunnì...

AGATINA: Il New Paraculis generation serve a raccogliere la brutta aria che si forma te stanzi e tira fora chidda bona chi depura i polmoni e vi fa stari megghiu..

NINETTA: Matri, matri... chistu faci du cosu Filippeddu ?

FILIPPO: Certo... nel fondo non si mettono i comuni sacchetti di carta che sono inquinanti ma dell'acqua in modo da poi buttare solo l'acqua che si sporca...

CATERINA: Miscula... ci penzi invece di sacchetti avi l'acqua.

NINETTA: Così... invece di ittari i sacchetti di carta loddi chi inquinunu... ittamu direttamente l'acqua lodda chi non inquina. O almenu cridu.

AGATINA: E se aggiungete questo tubo.. diventa un potente aspirapolvere...

MASINO: Aspirapolvere???? Allora avia ragiuni me mughieri chi eni na spirapolviri...

FILIPPO: No.... Ho detto no... questo essere New paraculis generation.... Rigerenatore d'aria.

MASINO: Chiamatela comu vuliti... ma a mia mi pari aspirapolvere...

FILIPPO: Ora vi dimostriamo come si pulisce realmente una casa...

CATERINA: Chistu u sacciu.... Avi na vita chi fazzu i pulizii intra a me casa

AGATINA: E na faciti bona... e vi dimostramu quantu siti... lordi

MASINO: Ma come si pemmetti chista mi nni chiama lordi...

NINETTA: Lassala fari papà..

FILIPPO: E chistu è nenti.... *(prende un cuscino dal divano lo batte con la mano... e tossisce)*
Vedete quanta polvere... questa è polvere che respirate... e con la polvere tutti i microbi che vi portate nei polmoni... vedete quanto fate schifo... quanto siete lordi e puzzolenti...

MASINO: Ouuuu dutturi non esagerassi

AGATINA: ed ora passiamo alla dimostrazione... avete della farina??? Cospargetela per il pavimento...

CATERINA: Farina to pavimento?? Viautri pazzi siti e poi comu a ricugghiemu?

FILIPPO: Come con che? Con la nostra aspirapolvere... ehmmmm rigeneratore d'aria.

NINETTA: O mamma... si Fillippooo ti dissi di mettrici a farina tu metticcilla senza fari storie *(a Filippo)* Fillippooo ci mittemu puru una picca d'acqua e du ova sbattuti così facemu a pasta all'ovu?

MASINO: Comu no.... Io dicissi mi nni facemu na bella focaccia e poi invitamu a manciari purru a Jerry. Ma ti sta muta scunchiuduta!!!!

FILIPPO: No cara Ninetta... non avemu preparari a manciari ma sulu fari i pulizii

NINETTA: Ahhh ora capì????

AGATINA: Forza signora pigghiassi a farina chi ni stamu piddennu in chiacchiri...

CATERINA: Bonu, bonu.. ora a pigghiu... *(prende la farina e un giornale.. lo apre e lo mette a terra)* però a farina a mettu ta stu giornali... non si sa mai, si non rinesi poi finisci chi l'è livari io..... *(versa la farina sul giornale aperto)*

AGATINA: *(mette l'aspirapolvere nella farina e l'aspira)* Vedete con quanta velocità aspira tutta la farina??? E questo è niente...

FILIPPO: Aspira purru l'acqua chi vi cadi, a segatura, pila di animali... Viatru n'aviti animali ta sta casa???

MASINO: Comu no????? A parti me figghia e me mughieri chi non sacciu di chi speci sunnu... avemu un beddu surici ranni comu un cunigghiu...

NINETTA: E si chiama Jerry... quacchi vota u fazzu nesciri e tu presentu...

AGATINA: Un surici??? Ni presenta un surici???

MASINO: Niautri amanti semu di surici e a Jerri u vulemu beni ci damu purru vitto e alloggio...

FILIPPO: Va beni... vorrà dirri chi la new paraculis generation servirà purru pi raccogli i pila di... Jerry...

NINETTA: Quanto è bellu.... Papà mu catti du cosu????.... Ci pigghia purru i pila a Jerri

AGATINA: Certo che te lo compra ne va della salute di tutti

MASINO: E quantu è chi custa du cosu?????

FILIPPO: Puuuu fesserie.. quanto volete che costi... niente a confronto della salute che mantenete viva....

CATERINA: E quantu fussi stu nenti???

FILIPPO: solo 2999virgola99 euri.. pagando in comode rate...

MASINO: *(baltando)* du...du...milanovicentu..novantanovi...virgola novantanovi euri... cioè 3000 euri, sei milioni di liri?

AGATINA: ma quale 3000 euri... 2999 virgola99 abbiamo detto...

MASINO: IO invece vi dicu sulu nautra cosa...

NINETTA: Chi ci dici papà.. chi a catti???

MASINO: No, Ninetta... ci dicu sulu chi si non sparisciunu entro 2 minuti di sta casa iddi e u paraculis.. a saluti cià fazzu peddiri a iddi..

FILIPPO: Un momento... abbiate pazienza...

CATERINA: Masino calmiti... u sa chi non ti po biliari

AGATINA: Già stassi calmu chi niatri da paraculis semu genti seria... ed in alternativa avemu purru autru...

NINETTA: Vidisti papà... hanno autru in alternativa...

MASINO: Va bonu staiu calmu... videmu l'alternativa....

AGATINA:: In questo caso parliamo di Paraculis Viaggi

CATERINA: Chiddu chi ci voli... un bellu viaggio... così pi na picca non sintemu parrari di Jerry...

NINETTA: Purru io vogghiu veniri o viaggio.... Filippeddu vo veniri purru tu cu niautri???

FILIPPO: No.. io non posso.. aiu tanti cosi i fari ancora ca... u viaggiu è sulu pi to patri

MASINO: E picchè è pattiri sulu iò???

AGATINA: Comu picchè???. Ma no dicistu vui chi siti chiddu chi si fici l'esami e chi spetta l'esitu?

CATERINA: Si certu, me maritu ieni, ma chi c'entrunu l'esami?

FILIPPO: Certu chi c'entrunu... *(esce fuori un catalogo con delle casse da morto)* Ci pinzamu a tuttu niautri, cassa e funerali... lei avi sulu moriri o restu ci pinzamu niautri. Allora quali cassa ci piaci chiossà???

MASINO: Disgarziatu... mortu mi voli chistu.. sparisci aceddu di malaguriu.. fora sciò

(li caccia tirandogli addosso il catalogo che gli prende dalle mani)

FILIPPO: *(arrivato quasi davanti l'uscio)* Spitattati, spittati.... Non è finutu..

MASINO: *(si ferma)* Chi c'è ancora...

FILIPPO: *(apre la giacca e si vedono tanti orologi)* vuliti rilogi? Aiu rolex, breil, vetta, vera imitazione e tutti a picca prezzu...

MASINO: Disgraziatu... fora...

(Agatina e Filippo escono di corsa)

SCENA 5

MASINO: Chi genti... chi gentaglia. Mortu mi vulia du fetenti.

NINETTA: Esageratu... ma quali mottu. Sulu na bedda cascia ti vulia vinniri, non capisciu chi mali c'è

MASINO: Nenti... non c'è nenti i mali... e poi iddu ma vulia vinniri sulu comu ornamentu. Secunnu mia, bona ci sta to salottu a postu du tavulinu....

NINETTA: Veru è... e avi pur una doppia funziona: Chiusa si po usari comu tavolino basciu e aperta comu mobiletto bar.

CATERINA: Mizzica veru è... e quannu veni u mumentu si pigghia, si inchi e si porta o campusantu. ...

NINETTA: Mamma, o mamma... quannu moru, io vogghiu a musica

MASINO: Invece io vogghiu i cavaddi.... E tu Caterina chi vo?

CATERINA: Bo?? Veramenti ancora non c'è pinsatu...

MASINO: E quali è u problema.. ci penzu io pi tia... Anzi già u pinza?

NINETTA: E chi pinzasti papà..

MASINO: Mi vi nannati di cursa e subito a du paisi. Zumma spariti... aviti a spariri di ca.. *(incavolato)* Prima chi peddu u controllo di mia stissu..

CATERINA: Bonu... non t'incazzari. Si ti damu fastidiu vorrà diri chi ti lassamu sulu. Vo ristari sulu.. e niautri ti lassamu sulu. Ora pigghiu a me figghia e nesciu. Niscemu Ninetta.

NINETTA: Si, si.... Niscemu mamma, lassamulu sulu o papà... anzi sulu no, picchè c'è Jerry chi ci fa cumpagnia. Niautri annamu ta ghiazza a vidiri si ci sunnu ancora masculeddi boni

MASINO: Annati ta ghiazza o unni vuliti ma non turnati si prima Ninetta non si faci zita...

NINETTA: Magara fussi a vota bona....

(Escono entrambe dalla porta esterna)

(Masino perde del tempo... prende una bottiglia di acqua e un bicchiere da una credenza si riempie il bicchiere, beve e nel mentre...)

SCENA 6

MASINO: Magari fussi a vota bona piddavveru... così si nni vaci di sta casa ca spiranza chi si porta purru a so mamma... *(pausa lunga)* Chi stanchezza chi aiu, mi pigghiò na stanchizza chi l'occhi si chiudunu suli ...e mi manca quasi u respiro.... Megghiu mi mi ssettu *(nel muoversi l'attenzione va su un orologio posto su un mobile)* sbagghiu o non cammina... *(lo prende... lo mette su un tavolo e si siede)* Cammina e non cammina, mi pari chi ieni stancu comu a mia... ora parri chi... non cammina chiù... *(lo scuote e lo rimette sul tavolo)*

(intanto entra Roberto con un pacco di cose da mangiare nelle mani, il padre è di spalle e Roberto non vede l'orologio... si ferma ed ascolta)

MASINO: *(l'orologio è appoggiato vicino al cuore e Roberto non lo vede... come se parlasse di se stesso)* Vecchi ni ficimu e così... non vo camminari chiù... ti stancasti. Mi sa chi c'è picca i spirari ormai... Pazienza... Ci nni vulissi unu novu, ma u stissu non è facili mi si ntrova e non sempri funziona. Bha... bisogna arrendersi all'evidenza... Voli diri chi arrivò u mumentu...

(si alza, senza che Roberto vede l'orologio, Masino lo posa al suo posto ed esce dalla porta interna)(resta solo Roberto)

ROBERTO: E così... era comu m'immaginava io. U cori u sta lassannu. *(arrabbiato e disperato)* Io truvai tutti l'uffici chiusi e a mia spiegazioni non mi nni vosuru dari... certu a mezzornu hanna annari a manciari, però cà vinniru, picchi sugnu sicuru chi ca vinni quacchi d'unu, mi ci duna a bella notizia... Io l'avia a sapiri pi primo... chi me patri... chi me patri... sta murrennu...

(si sente una voce forte da fuori campo, è Masino)

MASINO: *(fuori campo)* Disgraziatu... disgraziatu surici... *(entra con delle trappole vuote in mano)* tuttu u formaggiu si manciò... avia misu trenta trappuli cu formaggiu da intra e iddu i iapriu e si rubò tuttu u formaggiu, stu scelleratu.. stu latru... autru chi Jerry... to soru l'avia chiamari Arseniu Lupin... o megghiu ancora Diabolik l'avia chiamari e idda... to sorazza Eva Kant.. vistu chi ci fa purru da complici...

ROBERTO: Calmiti papà... non è u casu mi ti bilii pu surici...

MASINO: Ah non m'è biliari... chiddu mi sta facennu i corna sutta u nasu e tu dici chi non m'è biliari.

ROBERTO: Basta papà.. ti dissi mi ti calmi.. d'ora in poi ci pensu io a catturari o surici... ma tu a stari calmu...

MASINO: Ci pensi tu dicisti???

SCENA 7

(entrano Caterina e Ninetta dalla porta esterna con delle buste in mano)

CATERINA: Chi sunni sti buci... si sentunu di sutta.

MASINO: Chi è.. già di ritorno? Non nni trovastu masculi boni?

CATERINA: I trovammu ma non n'interessunu. Mu dici ora chi succidiu ?

MASINO: *(espressione da folle)* Succidiu chi d'ora in avanti pi Diabolik ci pensa Roberto.. u cattura iddu... io mi staiu calmu... però a mia mi l'ha consegnare dopu chi u catturi...

CATERINA: A cu iè ca catturari Roberto??? A Diabolik.?

ROBERTO: Mamma, Diabolik eni u surici

NINETTA: Ma quali Diabolik... iddu Jerry si chiama

MASINO: No... iddu si chiamava Jerry.... *(mentre si dirige verso la porta interna per uscire)* Ora si chiama Diabolik e tu non ti chiami chiù Ninetta.. ma ti chiami Eva... Eva Kant... *(si ferma davanti la porta)* capisti... Eva???

(ed esce)

CATERINA: Matri, matri, matri.... Pacciu divintò vostru patri...

ROBERTO: Mamma o papà... d'ora in poi l'ema manteniri sempri calmu... non l'ema fari biliari chiù... ogni dispiaceri ci pò essiri fatale...

NINETTA: O mammaaaaa.... Divintò pacciu pi coppa di Jerry u papààà

CATERINA: No giuitta.. to patri na picchicedda pacciu ha sempri statu..

ROBERTO: E tu cu stu cavulu di surici ci sta raffuzzandu a dosi. A propositu mamma.. ma quannu non c'era iò.. cà vinni quacchi d'unu?

NINETTA: Sì... vinnuru dui... un masculu e na fimmina chi non sunnu ne ziti e mancu maritati, ma sunnu frati e soru... u masculu è u frati e si chiama Filippo e a fimmina eni a soru e si chiama Agatina..

ROBERTO: E chi vuliunu sti dui...

CATERINA: Sinceramenti non ci capì nenti... dissuru chi i mannaru du spitali...

NINETTA: Propriu così Filippu dutturi ieni... dutturi Filippo Senzasoddi e so soru nfermera purru idda Senzasoddi... Ma non stesuru assai picchì quannu Filippeddu ci mustrò i cassimortu o papà... iddu scasò e i ittò fora da casa...

ROBERTO: I soliti sciacalli... subutu pronti sunnu.... *(pausa)* Menumali chi non c'era iò.. picchì l'avissi accumpagnatu fora a cauci to culu...

NINETTA: E chistu fici u papà... i ccumpagnò fora a cauci to culu..

ROBERTO: e fici bonu...

NINETTA: Ma chi dici... non fici bonu... Fulippu dutturi ieni e u mannaru du spitali

CATERINA: Veru è... du spitali i mannaru a ddi dui...

ROBERTO: E iddi sapennu u statu du papà... vuliunu approfittari mi ci vinnunu a cascìa di mortu...

CATERINA: *(spaventata)* Minzika... veru ieni. Non c'avia pinzatu. Si ci vulinu vinniri a cascìa i mottu.. voli a diri chi iddi sannu chi... No... non ci pozzu pinzari... Speriamu mu papà non capiu ancora nenti...

ROBERTO: E invece capiu tutti cosi... u sinti io antura ca, chi me ricchi.. parrava cu so cori chi non voli camminari chiu... cu sta lassannu. U sapi u papà.... Ci l'eppa a diri u dutturi.. oppuru u capiu .

CATERINA: e ch'ema a farri niautri. Non bastava u duluri chi aiu to cori pi stu schifu di surici chi avemu intra a casa... ora purru to patri eppa stari mali....

ROBERTO: Bonu... mantinemuni calmi. Avemu fari in modu chi da picca i tempu chi ci resta... l'ava passari tranquillu...

NINETTA: Ma si po sapiri chi stati dicennu?... non ci staiu capennu nenti...

CATERINA: e tu, Ninetta... nenti a capiri... Anzi è megghiu si stu fattu no capisci...

NINETTA: io capì sulu chi Gerri non si chiama chiù Gerri ma Diabolik e chi iò non sugnu ancora zita...

ROBERTO: Pi chistu c'è tempu.... Preoccupati sulu di non fari nazzari o papà...

SCENA 8

(rientra dalla porta interna Masino)(i tre si dimostreranno premurosi con lui)

MASINO: Nenti... non n'aiu rigetto.... A pinzari a du surici chi mi pigghia pu culu cosi facilmente. Ma comu fici mi si mancia tuttu du formaggiu chi misi in cosi poco tempu. Io sugnu sicuru... chi du cosu pilusu non è chiù sulu... s'eppa puttari tutta a famigghia al completo.

CATERINA: *(molto premurosa, gli prende una sedia)* E tu settiti, mariteddu miu.... Non t'ha faticari... ti dissi chi o surici ci penza Roberto.. non ti preoccupari chi iddu bravu è quannu si metti.

NINETTA: O Roberto... però quannu u pigghi, mi raccumannu... non ci fari nenti..dammillu a mia chi u portu fora ta campagna...

MASINO: A tia??? A mia mi ll'ava a dari... a iddu e i so figghi... me fari un beddu surici allo spiedo e i suriceddi mi l'è mettiri pi contornu...

NINETTA: *(battendo i piedi per terra)* O mammaaaaaa u vidi chiddu chi ci voli fari a Jerrittu???

ROBERTO: Papà.. ti dissi mi ti sta calmu... chi ci penzu iò.. tu intantu picchi non ti manci quacchicosa. Cattai 3 arancini, 3 calzoni e na picca i focaccia.

CATERINA: Si, si manciamu... io passu da banna cu Ninetta, picchè sula mi scantu e apparecchiu a tavula.

MASINO: Ma chi ti scanti babba... U surici saziu com'è pi tuttu du formaggiu chi si manciò a sta ura è to megghiu sonnu... ta chissà quali angulu da casa.... Dopu un beddu pranzu a pennichella ci voli...

CATERINA: Comu dici tu... però a Ninetta a vogghiu u stissu cu mia...

(*escono dalla porta interna*)

(*restano un attimo in silenzio*)

ROBERTO: Papà... Tuttu a postu? (*per rompere il ghiacciu*)

MASINO: Cettu... a parti i problemi chi sà...

ROBERTO: Si... u sacciu.. u solutu problema. Ma a parti stu problema.... Tuttu a postu???

MASINO: (*lo guarda stupito*) Tuttu a postu....

ROBERTO: Ma.. tu .. non è chi m'ha dirri quacchicosa.....

MASINO: Senti giovanotto.... Non staiu capennu unni è chi vo arrivari cu tuttu stu interrogatoriu. Si ti servunu soddi e non sa comu a cuminciari mi mmi cecchi... ti dicu subutu chi non aiu una lira mi ti dugnu.

ROBERTO: No... no... non nni vogghiu soddi. Non sunnu chiddi chi vogghiu i tia...

MASINO: Si non sunnu i soddi... allura mu vo diri chiddu chi caspitina cecchi i mia???

ROBERTO: (*molto pacato*) Nenti... vogghiu sapiri sulu una cosa. Se tu... per esempio sapissi quacchicosa di importanti chi riguarda a tia... comu... per esempio a saluti.... Tu mu dicissi o ti stassi mutu...

MASINO: Ah... se io... per esempio avissi un problema rossu chi riguarda a me saluti... vo sapiri si io ni parrassi cu tia... (*pausa*) bo??? No sacciu... e siccomu no sacciu e no vogghiu sapiri ti dicu sulu chi se... io.. per esempio.. avissi fami... e l'aiu... mi nni vaiu a manciari a facci di cu mi voli mali.

(*esce per andare in cucina*)

ROBERTO: (*si siede è solo*) se io... per esempio fussi o so postu... ni parliria cu l'autri oppurru no... mu tinissi pi mia finu o fatidicu ionnu. Se io.. per esempio, invece... (*pausa*) (*cambia tono*) Si, si io suggnu ca... a fari esempi e intantu iddi da banna, si sbafunu tuttu chiddu chi puttà iò... quantu vaiu a manciari prima chi non trovu chiù nenti.... (*esce*)

FINE PRIMO ATTO

- SECONDO ATTO -

SCENA 1

(stessa scenografia... in scena Masino, Caterina, Ninetta e Roberto)

NINETTA: Papà mi raccumannu.. no trattari mali

MASINO: Non capisciu picchè l'avissa a trattari mali, si mancu u canusciu...

ROBERTO: No canusci, ma lo conoscerai... u to novu iennuru.

MASINO: Me iennuru?...*(alla figlia)* Ma si po sapiri unni u canuscisti a stu tiziu... si sini sempri intra...

ROBERTO: Papà, to figghia piena di risorsi misteriosi ieni... magari nesci ammucciuni di notti

CATERINA: Sì, di notti comu e pipistrelli

NINETTA: No mamma, io di notti non nesciu... io di notti dormu. Di iornu u canuscì..

MASINO: Ma si po sapiri cu caddu iè stu tiziu??? Chi travagghiu faci? D'unni veni? E tu *(al figlio)* baccalaru... nenti sa? No canusci a chistu... zumma na controlla a to soru???

ROBERTO: Papà... ma comu vo mi controllu a me soru... si io è stari concentratu a controllari quannu nesci Jerry Diabolik da so tana mu pigghiu.

CATERINA: Miiii... cu tuttu stu trambustu m'avia fattu scuddari du surici. Non è chi s'ha fattu vidiri?

MASINO: Non s'ha fattu vidiri... s'ha fattu sulu sentiri. E nonostante a concentrazioni e u controllu di to figghiu.... Nautru mezzu kilu di formaggiu si manciò sta notti.

NINETTA: Vo dirri chi avia assai fami.

ROBERTO: Bonu papà... statti calmu e non pinzari o surici picchè finisci chi ti agiti. Pi Jerry, non ti preoccupari... d'ora in poi farò purru i turni di notti.

(suona il campanello)

SCENA 2

(Ninetta si affaccia alla finestra)

NINETTA: Iddu è, iddu è.... Mi raccumannu papà...

MASINU: *(interrompendola)* u capì, u capì... non l'è trattari mali. Ma ora ci vo iapiri e u fa trasiri o è nesciri io mu canusciu.

NINETTA: No, no.. ora ci apru....

CATERINA: Masinu... mi raccomandannu... no trattari mali...

MASINU: Ouuuu purru tu ti metti cu sti raccomandazioni. Stu tiziu mi sta divintannu antipatucu prima ancora mu canusciu.

(entra la sola Ninetta)

NINETTA: *(a mò di presentatrice)* Signore e signori... vi presento u me.... Zituuuuuu

(ed entrano timidamente Filippo, con un mazzo di fiori in mano e dietro Agatina)

MASINO: *(scatta dalla sedia dove era seduto)* Chi ci faci stu tiziu intra a me casa? Forza fora, nesci, scio, scio... *(e li spinge vero la porta d'ingresso)*

NINETTA: *(si mette in mezzo)* Papà... mi l'avivi raccomandatu.

MASINO: Veru è... e io na parola sula aiu. Falli sittari... ma a cura a chiddu chi diciunu.

(Filippo si siede sul divano e vicino si siede Ninetta, Agatina prenderà posto nella poltroncina accanto al divano)

CATERINA: *(si avvicina a Filippo e gli prende i fiori)* Ma quantu sunnu belli sti ciuri... e chi ciau ru chi fannu. Dammilli a mia chi i mettu ta l'acqua

FILIPPO: *(glieli consegna)* I ciuri sunnu pi Ninetta.. ma i po mettiri purru lei ta l'acqua si voli.

CATERINA: Grazie.. da fiducia *(e mette i fiori in un vaso)*

ROBERTO: papà, fammi capiri... ma già u cunuscivi a stu tiziu?

MASINO: Cettu cu canusciva.... E chiddu chi, l'altu iornu, mi vulia vinniri a cascia i mortu.

ROBERTO: U dutturi?

CATERINA: Proprio così... u dutturi. Ma ora stamuni tutti calmi e videmu chiddu chi c'ema offriri e nostri ospiti...

MASINO: Ah picchi... c'ema offriri purru quacchi cosa???

NINETTA: Mamma, mamma... to stipu c'è u Marsala chi puttò u ziu e purru i biscotta ci sunnu... sempri si non si manciò Jerrittu...

ROBERTO: *(in piedi passeggiando)* E così... tu saresti il dottore...

FILIPPO: Ma cu io???

NINETTA: Cettu Filipeddu... non sini tu u dutturi Senzasoddi???

FILIPPO: Ah ehmm... Certo, certo, io sono il dottore Filippo Senzasoddi, per servirla...

ROBERTA: E tu, dunque... la sorella infermiera.

AGATINA: propri così... si me frati è dutturi... io chi sugnu a soru... sugnu nfirmiera . Agatina Senzasoddi. Piacere assai.... *(si alza fa l'inchino e gli stringe la mano)*

ROBERTO: Il piacere è tutto mio.

NINETTA: Chi bellezza... ficimu tutti subutu amicizia.

CATERINA: *(interviene con il vassoio in mano dove ci sarà la bottiglia, dei bicchieri e i biscotti, lo posa sul tavolinetto vicino al divano)* E pi festeggiari ni manciamu sti biscotta e brindiamu cu marsala.

(Ninetta riempie i bicchieri)

MASINO: Ca spiranza chi tra un buccuni e l'altro mi diciunu u motivu da visita.

NINETTA: Ma picchi papà... no sa u motivu??? S'ava a fari zitu cu mia.

MASINO: U sacciu u motivu... ma è di iddu cu vogghiu sentiri.

AGATINA: Giusto... e cà è interveniri io... picchi tocca a mia. *(prende un foglietto dalla sua borsetta e lo legge)* Io... in qualità di sorella, anche se più piccitta, del qui presente mio fratello Filippo Senzasoddi, chiedo alla signoria vostra illustrissima assai, papà della defunta...matri scusati sbagghiai a scriviri... ora correggiu; papà della qui vivente signorina Ninetta Cannavazzo, chiedo che venga concesso al qui presente mio fratello l'uso di colei sua figlia per scopo matrimoniale. Letto e firmato la sottoesoprascritta Agatina Senzasoddi. *(piega il foglietto e lo rimette nella borsetta)*

NINETTA: Papà... u sintisti chi belli paroli... dicci si, dicci si.. dicci si...

(suona il campanello)

NINETTA: Aspetta papà... ancora non ci diri nenti. Prima videmu cu ieni. Mamma pi favuri iapri tu.

SCENA 3

(Caterina va ad aprire senza guardare dalla finestra)

CATERINA: *(apre la porta e da dentro uscendo parte del corpo dalla porta)* Prego, s'accomodassi *(entra Saruzzo con un mazzo di fiori in mano, il personaggio è balbuziente ma senza esagerazione)*

SARUZZO: *(balbettando)* Pe...pe..permesso... po...po..pozzu trasiri?

ROBERTO: Veramenti... già intra sini

SARUZZO: Già... ve..ve..veru intra già sugnu.

MASINO: Perfetto e ora chi sini intra sintemu di sapiri a cu cecchi.

SARUZZO: Io... vu..vu..vu..lia parrari cu lei si...si...si..gnor Masinu.

MASINO: E io ca sugnu mi ti sentu. Caterina, pigghicci na seggia e fallu sittari, e dacci na picca i marsala così ci inumidisci l'ugola e i paroli ci nesciunu megghiu.

SARUZZO: Gr...gr.... Grazie si..si.. gnura... ma iiiio non bivo alco..lici

MASINO: Va beni... allu...allu.. matri, matri... purru a mia mi vinni u ghiaccamento. Allora. Mi scuddai chiddu c'avia a diri. Zumma parra... moviti chi avemu na discussione interrotta.

SARUZZO: Io... io... mi chia..chiamu Saruzzo e ci vu... vulia dumannari na cosa importanti...

MASINO: Dumandimi chiddu chi vo... e videmu si ti sacciu rispunniri

ROBERTO: Si non sa ripunniri tu ciu dummannamu o dutturi chi avi i scoli iauti...

SARUZZO: No, no, no... sulu vui sisisignor Masinu m'avita a rispunniri.

MASINO: E va bo va... mi raccumannu stativi muti e non suggeriti chi è rispunniri sulu io.

SARUZZO: E chi iè.. non mi rispunniti???

MASINO: Ma si non ha ancora iapprutu bucca comu vo mi ti rispunnu...

SARUZZO: Gi, gia... veru è.... È chi..... mi ffruntu.. cu tutta sta genti chi mi vadda.

MASINO: Fozza gente... non vaddati chi si ffrunta e non parra chù. Girativi dill'otra mezza. (*a Saruzzo*) va beni così?

SARUZZO: Si... ora ciù dicu: io... io bzzbzbzb (*dice delle frasi incomprensibili*) Chi dissi chistu? Roberto ci capisti nenti?

ROBERTO: Veramente no... ma io era giratu dill'altu latu e no potti capiri.

MASINO: Allora giriti di sta parti e segui purru tu. Fozza giovanotto... ripeti con calma.

SARUZZO: Va beni... io ci vu..vu..lia dumannari si mi du...du...du.. na a so fiiiigghia pi ziita.

MASINO: Chi è chi voli chistu?

ROBERTO: Mi pari chi dissi chi voli a Ninetta pi zita .

CATERINA: (*si gira e si girano anche gli altri verso di lui*) Chi dissi chi voli a me figghia pi zita?

SARUZZO: Giu..giu..stu, pro..pro..propriu così e ca ci suuuunnu i ciuri.

NINETTA: (*di corsa prende i fiori*) Chi su belli... papà dicci si...dicci si..dicci si..

MASINO: ouuuuuu ma a cucc'è diri si. O venditori di cascì i mottu o a stu ghiecu?

NINETTA: A tutti i dui papà. Così si mori unu... aiu sempri l'autru di scorta.

AGATINA: Ma chi sta dicennu... me frati rota i scorta non ni faci a nuddu.

NINETTA: va bonu. Vorrà diri chi iddu faci u titolari e Saruzzu a riserva.

SARUZZU: Io a ri..ri..serva non cià faaaazzu a nuddu

ROBERTO: E va be.... Faciti na vota all'unu.

CATERINA: Ma si po sapiri comu facisti tu (*a saruzzo*) a canusciri a me figghia se non ti è mai vistu.

SARUZZO: Pepeperò... io è vistu a so figghia. A vi..vidu (*balbetterà sempre ma senza esagerazione*) tutti iorna to baccuni Quannu vaiu ta putia di fronte a cattari u pani...e così tra un filoni e na pagnotta mi namurai di sta mi... mi...

MASINO: Ou , ou tu mignotta a me figghia non ciu dici....

SARUZZO: Ma quaaali miiiiignotta. Io vulia diri di sta mi... mi... miravigliosa creatura.

NINETTA: Ma no vidi quantu è beddu?

FILIPPO: E io chi sugnu bruttu?

CATERINA: No... siti bidditti tutti e dui.

MASINO: Allora, vistu chi vi piaciunu tutti i dui... faciti na cosa. Unu tu pigghi tu e unu su pigghia to figghia... poi faciti a canciu. To figghiu Roberto si nni vaci cu sta figghiola e a mia mi lassati sulu ta paci cu Jerry.

AGATINA: Pi mmia.... Si po fari.

CATERINA: Pi mmia no.

ROBERTO: Be... io.. ci pozzu pinzari.

MASINO: Bravu.... Penzici e penza purru pi to soru e pi to matri. Io to frattempo passu da banna a compiere il mio dovere di cacciatore di sorice. Ci mettu nautra vota u formaggiu te trappuli... videmu si chista è a vota bona.

FILIPPO: Ma signor Masinu... e a risposta quannu ma d'una...

SARUZZO: Gigigigià.... A risposta quannu na duuuna.

MASINO: Per ora a risposta è rimandata. Scusati ma iò è passari da banna...

CATERINA: e io passu cu iddu....

(*ed escono dalla porta interna*)

ROBERTO: O Ninetta... non ti po pigghiari a tutti i dui. Forza sceglini unu e all'autru u mannamu a casa.

NINETTA: Ma picchè?? Pi fozza ne scegliri unu? Avi na vita chi cercu nu zitu ed ora chi si nni presentunu addirittura dui... ne mannari unu a casa??? No... a tutti i dui mi tegnu. Unu pi iorna pari e cioè martedì, giovedì e sabutu e l'autru pi iorna spari: lunedì, mercoledì e venerdì.

AGATINA: E a duminica chi fa, chi resti sula?

NINETTA: Certu... a duminica e ripusari.

ROBERTO: E io ti ritornu a diri chi chistu non si po fari.. na scegliri unu e basta.

NINETTA: E va beni... ni scegliu unu.... Ma prima i vogghiu canusciri bonu... zomma ci vogghiu pinzari.

ROBERTO: E penzici prestu picchè non vurria mi ti finissi come o sceccu da favola chi non si dicitia si scegliri si manciari favi o pagna e finiu chi muriu pi fami.

NINETTA: No, no... io ora scegliu. E pi sciegliri l'è canusciri di persona personalmente.
Quindi ora nesciu cu tutti e dui, ni facemu na passata, ni manciamu un gelatu chi mi offrunu, discutemu e videmu a cu me teniri e a cu è mannari a casa.

SARUZZO: Iooooo susugnu dadadacordu e uuu gelatu tu offru io

FILIPPO: Purru pi mia va beni... sia chi niscemu, sia chi u gelatu u offri tu.

AGATINA: Io invece resto ca... spettu u to ritornu in compagnia di stu... figghiolu.

(i tre salutano ed escono dalla porta esterna)

SCENA 4

ROBERTO: Mi fa piaciri constatarci chi non ti ricordi mancu u me nomi...

AGATINA: Veramenti.. non è chi non mu ricordu.... È chi no sacciu propria

ROBERTO: Roberto... mi chiamu Roberto Cannavazzo. Cecca mi non tu scoddi chiù.

(dalla porta interna entrano Masino e Caterina)

CATERINA: Mi pari chi stavota esagerammo cu formaggiu... ci misumu tuttu chiddu chi c'era

MASINO: e si stavota no pigghiu... u coddu ci sceppu.

ROBERTO: E comu ciu sceppi u coddu si no pigghi, papà...

MASINO: Chisti sunnu fatti me. Tu e to soru non c'javiti a pinzari. A proposito.. e to soru unni è?

AGATINA: Ninetta nisciu cu me frati e cu l'altu zitu... pi canuscirli megghiu.

ROBERTO: E dopu farà la sua scelta definitiva.

MASINO: Speriamo mi scegli o ghicchittu.. a chiddu chi avi a boutique du mottu no digerisciu

AGATINA: Chi poi fussi me frati.

MASINO: Bazzecole

CATERINA: Ma iddu non è sulu casciamuttaru... purru dutturi ieni.

MASINO: Pi mia po essiri purru un prufissuri luminari, ma mi è antipaticu u stissu. Ora io nesciu e vaiu a cattari autru formaggiu... cu sapi mi chiddu chi ci misumu non avissa bastari.

CATERINA: Ma si tu nesci io che fari?

MASINO: Ti sta intra e comu u solitu ti nni passi ta stanza i letto e ti leggi u grandhotel.

(ed esce dalla porta esterna)

CATERINA: Figghioli, non vi dispiaci si vi lassu suli. Mi iettu na picca to me lettu ca spiranza mi non veni Jerry a farmi visita.

AGATINA: Annassi tranquilla signura... ci penzu io a so figghiu a farci compagnia.

(Caterina esce dalla porta interna)

ROBERTO: E così... finalmente semu suli

AGATINA: Suli comu na cascia i mortu sutta o suli.

ROBERTO: e chi ci trasi a cascia i mortu...

AGATINA: nenti... non ci trasi propria... è chi non sapia comu fari a rima.

ROBERTO: E così per deformazioni professionali usasti a cascia e mortu. *(pausa)* Sinceramenti.. non è caputu bonu. Ma to frati po fari u medicu e to stisso tempu vinniri i cascì i mottu? A mia sta cosa mi puzza assai... e poi a to frati comu dutturi no vidu propria.

AGATINA: E cettu chi no vidi... pari chi è dutturi?

ROBERTO: non è dutturi?? Ma si iddu...

AGATINA: ...ma quali dutturi... comu io non sugnu nfirmiera. Me frati un venditori ambulanti di tutti i così ieni: di aspirapolveri, cascì i mortu, rilogia, detersivi, dinteri usati Zumma venditori universali ieni e io ci fazzu i segretaria.

ROBERTO: Ma allora picchè vi spacciati pi dutturi ?

AGATINA: Pi vinniri megghiu. Si niautri ni presentamu boni e ci dicemu chi semu semplicementi Fulippu e Agatina Senzasoddi... ni vaddunu mali e ni chiudunu a porta ta facci... purru si semu personi seri. Ma basta chi pronunciamu a parola dutturi... chi tutti ni spalancunu i porti ... purru si semu effettivamente bestia. Zumma a parola dutturi è na speci di lascia passari. *(pausa)* Ma ora chi semu quasi parenti, si to soru si fa zita cu me frati, e... quasi ziti... *(si avvicina dolcemente)* t'è diri a verità.

ROBERTO: *(allontanandosi)* E così to frati non è dutturi... ma venditore. E si to frati non è dutturi chistu voli diri chi non parrò cu me patri di malatii... e si non parrò cu me patri di malatii voli diri chi nuddu ci dissi chi avi problemi di cori... e si nuddu ci dissi chistu voli diri chi... non è malato. *(esploendo di gioia, prendendo per un momento in braccio Agatina)* Capisti Agatina? Me patri non sta murennu... non sta murennu... tuttu un'equivucu fu.

AGATINA: Ma si po sapiri di chi sta parrannu? Non ci staiu capennu nenti...

ROBERTO: Non ti preoccupari.. l'importanti è chi u staiu capennu io. *(pausa)* però aspetta... fammi riflettiri na picca. Ma si ancora non sapi nenti... iddu picchè parrannu sulu diciva chi non cammina...

AGATINA: Giovanotto... semu suli... nema fari ziti e tu invece mi ti dichiarì e mi mmi brazzi parri di camminari o non camminari. Ca intra mi pari chi si c'è qualcosa chi non cammina è to ciriveddu e... *(facendo segnale all'orologio fermo posato)* stu rilogiu vecchiu...

ROBERTO: Giusto, vero è.. non c'ia via pinzatu *(la riprende in braccio... le da un bacio sulla guancia)* Bedda.. si bedda e intelligenti. Ragiuni tu ha. Me patri stava parrannu cu rilogio... no cu so cori.

AGATINA: Matri, matri... ma ta chi famiglia capitammu io e me frati...

(si sente suonare il campanello)

SCENA 5

(Non arrivano in tempo ad aprire che si apre la porta di ingresso ed entrano Ninetta, Saruzzo e Filippo. I tre entrano ballando e cantando con festoni addosso, tipo cappellino da compleanno, fischietti, trombette coriandoli. Inoltre Saruzzo ha una guantiera di pasticcini)

ROBERTO: Ma si po sapiri chi succidiu? Chi è tutta sta allegria...

NINETTA: Succidiu chi raggiungemmo un accordu...

SARUZZO: E ccccaaa... ci suuuunnu i pasticcini.

ROBERTO: Chistu voli diri chi scigliu a tia me soru.

SARUZZO: Nnnnnooooo... a Fufufulippu scigliu...

ROBERTO: Ma si scigliu a Fulippu... tu chi c'ì festeggi.

SARUZZO: (*balbettando*) E picchi non è festeggiari... non scigliu a mia.. ma sempri amici ristammu. Se m'offennu e mi nni vaiu... non sulu non ci cunchiudu nenti, ma peddu purru a so amicitia.. e poi... c'è fari testimoni di matrimonio.

FILIPPO: Veru è... Saruzzo divinterà nostru cumpari d'anellu.

(*entra Caterina*)

CATERINA: chi succidiu.... Pigghiò a casa a focu??? M'avia appena appena dummintatu.

NINETTA: Nenti focu mamma... mi fici zita definitivamente.

CATERINA: Cu tutti i dui o niscigliati sulu unu?

NINETTA: Sinceramenti.. io i vulia tutti i dui... poi mi dissuru chi non è giustu e scigli a Fulippu.

CATERINA: A Fulippu.... Per la gioia di tuo padre.

FILIPPO: A proposito.. non vidu u papà... chi c'è ciccari u pirmissu e a so benedizioni.

ROBERTO: Fulippu, cecchici chiddu chi vo... ma mi raccumannu... no chiamari papà. Ne va della tua salute.

NINETTA: E chi ci importa da saluti a iddu... tantu dutturi ieni e si guarisci sulu.

ROBERTO: O Ninetta... u to Filippo è dutturi comu io sugnu astronauta....

SARUZZO: Pi..picchi... cumpari sini astronauta? ... a chianatu purru supra a luna??

ROBERTO: Certu... supra a luna, supra a marte e puru supra u suli...

SARUZZO: Matri.... A vidi quantu cauddu ava a fari supra o suli

AGATINA: Filippo... ciù dissi io a Roberto chi non si dutturi...

NINETTA: Non sini dutturi? E chi sini allura???

ROBERTO: Venditore universale di casci e dinteri usati.... Ma poi ti spiegu megghiu...

NINETTA: Si non si dutturi. .. allura sini bruggnuni ... e io bruggnuni non ni vogghiu...

SARUZZO: (*balbettando*) Giu...giustu... E allura... pigghiti a mia. E iddu ni faci u testimoni d'aneddu. Io non sugnu bruggiuni, io sugnu affettuosu, seriu, amanti da famigghia...

NINETTA:Quindi tu sini, seriu e amanti da famigghia.

SARUZZO: e non sulu: Io non nesciu mai da casa sulu, non bivo, non fumu, non vaiu a partita, non giocu e carti, non ti fazzu i corna... zumma sugnu rispittusu.

NINETTA: Tu non bivi, non fumi, non mi fa i corna, non giochi e carti... *(piangendo)* mamma no vogghiu a chistu... ci penzi chi vita noiosa chi mi offri???? A Fulippo nautra vota mi pigghiu.

FILIPPO: *(le prende le mani)* Si gioia du me cori... non ti preoccupari chi io invece fumo, giocu e carti e quacchi vota mi bbriacu... e si vo ti paru puru i corna... *(restano mano nelle mani)*

NINETTA: Si... tesorino....

ROBERTO: Che bellezza.. chistu si che è amuri....

SARUZZO: Va bo... io catto l'aneddi....

(suona il campanello)

SCENA 6

CATERINA: Vostru patri sarà... *(si affaccia alla finestra)* iddu è... mantennemuni composti.
(e va ad aprire)

SARUZZO: Menulami.. così ni manciamu i pasticcini...

AGATINA: E io ci presento u me zitu?

FILIPPO: Picchè ti facisti zita? E cun cu?

SARUZZO: Chi è.. no caca capisti??? Cu l'astronauta....

(entra Caterina e a seguire Masino con una busta in mano che mette sul tavolo)

MASINO: Ca intra c'è tantu di du formaggiu chi si no pigghiamu ca trappola u pigghiamu picchè scoppia di tantu manciari.

CATERINA: Va bo... u formaggiu u mettu da banna to frigorifero... e intantu vidi chiddu chi t'ava a diri i to figghia.

(esce dalla porta interna)

NINETTA: Papà.... Ho deciso... Mi maritu cu Fulippu....

FILIPPO: Si... cu mia si marita... e si lei ni duna a bendizioni... ni facemu ziti pi subutu...

(rientra Caterina)

MASINO: E cu Saruzzu comu finiu...

CATERINA: A postu... a iddu u nominaru cumpari d'aneddu...

SARUZZO : E portatore di pasticcini... chi diria mi nni manciamu ora.

NINETTA: Giustu...

MASINO: Caterina... tu chi nni pensi... cià dugnu sta benedizioni? Zumma ciu dicu stu si???

CATERINA: Chi vo mi ti dicu... a mia mi pari un figghiolu seriu. E poi i casci i morti rendunu assai.

NINETTA: Dicci si papà.. dicci si...

ROBERTO: E ormai chi ci sini... a benedizioni dannilla purru a mia e Agatina chi ni ficimu ziti...

FILIPPO: Però u si ci l'è diri io.. vistu chi è me soru... e no sacciu chiddu chi ci dicu...

NINETTA: *(minacciosa)* Picchè chi ci vulissi diri a me frati...

FILIPPO: Sì, certu si ci dicu....

NINETTA: Apposta...

MASINO: Va bonu va... ci dicu si purru io e cu Signuri na manna bona.

(esploendo)

FILIPPO: Si mi dissi.. chi bellezza... zitu mi fici.. e non sugnu mancu dutturi.

(si fa un po di festa con auguri vari)

SARUZZO : Ni manciamu ora sti pasticcini?

CATERINA: Certu... ma io dicisi mi nni manciamu da banna ta cucina che è chiù ranni e chiù comuda...

NINETTA: Sì, si manciamunnilli da banna chi è megghiu. Fozza passamu tutti ta cucina.

SARUZZO: I pasticcini i passu io....

CATERINA: E io passu u Marsala. *(lo prende dalla credenza)*

(passano tutti nell'altra stanza all'infuori di Roberto e Masino che resta seduto)

ROBERTO: E tu chi fa non passi cu niautri da banna a festeggiari?

MASINO: Sinceramenti, mi sentu una picca stancu... è megghiu si restu ca. Viautri festeggiati o stissu.

ROBERTO: Papà... sugnu felicissimu... e no picchè mi fici zitu, ma pi n'autru motivu. Avia pigghiatu na botta i scantu chi non ti dicu, ma poi capì chi tuttu era un'equivoco e sugnu cuntentu...

MASINO: E io sugnu cuntentu pi tia.. purru si non capì picchè.

ROBERTO: Certu chi no po capiri. Ora passu da banna... poi ti spiego e ni facemu quattru risati.

(esce dalla porta interna)

SCENA 7

*(solo Masino.... Dall'altra stanza si sentono come voci di festa... bicchieri che si toccano ecc.)
(parte una musica)*

MASINO: *(dalla tasca interna della giacca che aveva prima posato in un visibile attaccapanni, prende una busta... va verso il centro la apre... è il referto medico...la legge ma in silenzio evidenziato dalla musica.. appena finito ha come uno svenimeto... si trattiene per non cadere e si siede nuovamente, piega il foglietto, lo rimette in busta e lo adagia sul tavolinetto)*

SCENA 8

(entrano tutti dalla porta interna, felici)

CATERINA: Fozza iazziti di docu. Pinzammu di nesciri tutti. Continuamo a festeggiari o bar c'un beddu gelatu...

SARUZZO: Eeeee u offru sempri iooo

FILIPPO: E io sugnu sempri daccordu cun tia.

AGATINA: Fozza soggiro, si mittissi a giacca e vinissi cu niautri.

MASINO: No, no.. viautri annati purru... magari vi raggiungiu chiu tardu.

NINETTA: U sacciu... non vo veniri picchi vo pigghiari Jerry in fraganti mentri mancia...

MASINO: A vidi cu ca capisti??? Ma non ti preoccupari... nenti ci fazzu a Jerry Diabolik... ci sceppu a testa, ma senza farci sentiri duluri.

NINETTA: Allora non nesci mancu io... ca mi resto *(e si siede)*

ROBERTO: Ma non vidi chi ti sfutti u papà.. iazziti e nesci cu to zitu ti sta spettannu.

NINETTA: *(si alza)* Roberto, e tu chi fa non veni? Puru a to zita ti sta spittannu.

ROBERTO: Facemu così.. viautri cuminciati a camminari chi io vi raggiungiu. Veggnu cu me patri chiù tardu.

CATERINA: Allora niautri niscemu... mi raccumannu viniti prestu cu gilatu si squagghia.

(escono tutti tranne Roberto e Masino)

ROBERTO: O papà.. ma si po sapiri chi ti pigghiò? Ti vidu depressu.

MASINO: Nenti... è sulu chi stava pinzannu

ROBERTO: e a chi di tantu importanti...

MASINO: mittemu chi.. se io... per esempio avissi un problema rossu di saluti. Pensi chi fussi giustu si ni parrassi cu tia e cu restu da famigghia???

ROBERTO: *(ridendo)* Tutti cosi capì... mi sta pigghiannu pu culu. Purru tu sa chi Fulippu non è dutturi ma sulu casciamuttaru...

MASINO: Veramenti no sapia.. purru si l'avia caputu chi non era dutturi.

ROBERTO: E sapissi chi scantu pigghiai. Ti avia vistu chi parravi sulu... di camminari e non camminari.. ed era convintu chi ti riferivi o to cori... poi quannu mi cuntaru chi avia vinutu u dutturi Senzasoddi mi ti vinnia a casia i mottu.. pinzai subutu chi eri malatu gravi...

MASINO: Ed invece non era così...

ROBERTO: Certo che non era così.... Agatina mi apriu l'occhi e mi fici capiri chi tu non parravi cu to cori ma cu rilogio chi s'avia firmatu...

MASINO: in effetti parrava cu rilogio...

ROBERTO: E quannu Agatina mi dissi chi so frati non era dutturi e quindi no mannò u spitali.. fici quattru chiù quattru e cioè chi tu non ha nenti. Chi sugnu cuntentu...

MASINO: Già chi semu cuntenti.

ROBERTO: Fozza ora iazziti e annamu a festeggiari o bar.

MASINO: Aspetta Roberto... e se io.. per esempio annai a ritirari u refertu e u liggi...

ROBERTO: Certu annasti a ritirari u refertu... ma pi sti cosi c'è tempu. Fozza annamu a festeggiari i nostri fidanzamenti...

MASINO: Giusto... annamu a festeggiari. Però... comincia ad annari tu... io prima vaiu to bagnu e poi ti raggiungiu.

ROBERTO: Va beni papà.. cumincio ad andare e ordinu purru pi tia. Moviti però. Non ni fari spittari.

(Masino lo accompagna fino alla porta... Roberto esce... Masino si blocca... parte la musica)

SCENA 9

(Masino lentamente si muove... riprende la busta sul tavolinetto e la apre e legge nuovamente il contenuto)

(a questo punto.. sente un rumore venire dall'altra stanza di trappole che scattano... la musica si interrompe)

MASINO: Iddu è... iddu è... u surici u pigghià, u pigghià...

(esce di corsa dalla porta interna e rientra con una trappola per topi chiusa con un topo dentro)

MASINO: Disgraziatu di un suriciazzu... finalmente ti pigghià... e ora ti fazzu a festa. A pagari pi tuttu u formaggiu chi ti futtisti. Prima ti fazzu i ghiova .. ti punciu cu spinguli infuocati... e poi ti tagghiu a testa. E ti ssutteru to giardinu ca sutta e ci mettu na scritta: qui giace du fetentoni di Jerry u surici chi tantu mpazziri fici a Masino Cannavazzo chi poi saria io.

(cerca nella credenza un coltello, lo trova lo prende lo avvicina alla gabbia.... Ma si ferma)

MASINO: *(musica)* Ma cu sugnu io a decidiri di livari a vita ad un essiri viventi.. purru si chistu è un surici fetenti. No... io non sugnu nuddu e no pozzu fari....

(Si avvicina alla finestra.. la apre... apre la trappola e fa uscire il topo)

MASINO: Scappa Jerry.... Curri fatti na vita ta sta campagna... goditilla picchè è bella... e sulu quannu a sta piddennu chi t'accorgi quantu vali. Curri Jerry... non ti fimmari... curri Jerry... curri.... Curri...*(si siede lasciandosi andare continuando a dire)* curri Jerry *(fino alla musica di sigla ed alla chiusura del sipario)*

F I N E

